

PROPOSITIONVM ERASMICARVM CENSVRAE

tempore vir ei⁹ viuit. Et eadem omnino est ratio de viro, sicut de muliere: quia eiusdem beatí Pauli sententia, Sicut mulier sui corporis potestatem non habet, sed vir: ita & vir sui corporis potestatem non habet, sed mulier. Tanta præterea est indissolubilitas matrimonii, ut nec per hæresim (quæ fornicatio est spiritualis) dissoluatur.

Tit. VII. De fide, Propositio I. eiusdem. Jacob. II.

Ides quæ friget absq; charitate, nec se profert vbi res postulat, nec fides quidem est: tantum est inane fidei nomen.

Propositio eiusdem Secunda. Jacob. II.

Fides & charitas natura coniunctissima sunt, & alterū ab altero diuelli non potest. Et paulo post, Charitas fidei comes est inuidua.

Propositio eiusdem Tertia. in Elencho.

Certum est utrancq; alteri inuiduam esse comitem.

CENSVRA.

Corit. I. Laco. 2. Hę tres propositiones sunt hereticæ, & sententiæ apostolorum Pauli & Iacobi contrarię. Paulus nanque fidem sine charitate posse esse ostendit, quum inquit: Si habuero omnem fidem, ita ut montes transferam, charitatem autem non habuero, nihil sum. Iacobus etiam in eo capite in quo dicit, fidem si ne operibus mortuam esse, appellat fidem simpliciter illam quę est sine operibus dicens: Quid proderit fratres, si quis dicat se fidem habere, opera autem non habeat: nunquid poterit fides saluare eum? Vnde patet q; fides absq; charitate aut bonis operibus fides appellanda est.

Propositio III. Erasmi. Ioan. 3.

Sola fides purificat corda, redditq; idonea quibus credantur cælestis philosophie arcana.

Propositio eiusdem quinta. Ioan. VIII.

Sola credulitas via est ad immortalitatem.

Propositio eiusdem sexta. Luc. xxiiii.

Quid exigit Christus a suis nisi fidem?

CENSVRA.

Tamen si requiritur fides ad affsequendam beatā immortalitatem, & ad cor dium purificationem, ut docent sacrę literę: non tamen eam solam ad hoc requiri astruunt, sed potius oppositum. Vnde ait Iacobus apostolus. Videlicet quoniam ex operibus iustificatur homo, & non ex fide tantum. Et Paulus. Non enim auditores legis iusti sunt apud deum, sed factores legis iustificabuntur. Quare propositiones cum huiusmodi exclusione positæ scripturis non consonant, quæ vbiq; bona opera prædicant. Et offendiculum eædem propositiones aptæ sunt præstare pusillis: quasi videlicet non sint fidelibus necessaria bona opera, sed sola fides sufficiat ad salutem.

Tit. VIII. De quibusdam desideriis ad fidem spectantibus.

Propositio Erasmi Prima. In epistola præposita primę Corinth.

Tinam illud saltem aperuisset Paulus, a quibus, quo tempore, quo cultu, quo actu, quib⁹ verbis cōsecrari soleat panis ille mysticus, & sacrosanctū dñici sanguinis poculū.

CENSVRA.

Curiosum est hoc desiderium & futile atq; impiū si ex existimatione procedat, qua credantur minoris authoritatis esse mul-

